



Indgået

22 FEB. 2018

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

Inatsisartunut ilaasortaq  
Mala Høy Kuko, Siumut  
Maani/

**§ 37 naapertorlugu apeqqutininut akissutit nr. 53**

Avataasiortut tulaassisussaataa nerat pillugu Inatsisartut suleriaasianni § 37, imm.  
1 naapertorlugu Naalakkersuisunut apeqquteqarsimavutit. Apeqqut  
suliassa qarfinnit akisassanngorlugu innersuunneqarsimavoq.

20-02-2018  
Sags nr.: 2018 - 4204  
Akt nr.: 7281906

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

**Apeqqut 1:** 2014-imiit maannakkumut saarullit qalerallit raajallu qanoq  
aannertutigisut avataasiortunit tunisassiorfinnut tulasorneqarpat? Taakkulu  
tunitsivinnut tunisinermi aalisartunut qanoq naleqarpat aammalu taakku  
avammut tunineqarnerminni qanoq pissarsissutigineqarpat?

**Apeqqummut 1-mut akissut:**

Kalaallit Nunaata Kitaani qalerallinnut raajanullu tunngatillugu  
tulaassisussaataaneq 25 %-imiippoq. Kalaallit Nunaanni Aalisarnermik  
Akuersissutinik Nakkutilliisoqarfiup (KANUAANA) piffissami 2014-2017-imi  
qalerallinnik raajanillu ataatsimut tunisineq 53.592 tonsit nalunaarsorsimavaat.

Saarullinniarnemut tulaassisarnemullu tunngatillugu Kalaallit Nunaanni  
avataasiortut aqutsiveqarpoq marlunnik, tassalu aqutsiveqarfiit 201 aamma 415.  
Aqutsiveqarfik 201 Kalaallit Nunaata Kitaani misileraalluni saarullinniarfiuvoq  
tassanilu aalajangersimasumik tulaassisussaataanermik ilaqarani. Taamaattorli  
angallatit peqataasut amerlanerpaat pisatik namminneq suliarisinnaasimangilaat,  
taamaammallu pisami amerlanerpaat Kalaallit Nunaanni Kitaani tunitsivinnut  
tunisarsimallugit. Aqutsiveqarfik 414 Kalaallit Nunaata Kitaani  
kujasinnerpaaniippoq Tunullu kujasissuaniilluni, tassani tamakkiisumik  
tulaassisussaataapput. Kalaallit Nunaata Kitaani Tunumilu saarullinniarnemut  
tunngatillugu KANUAANA nalunaaruteqarpoq piffissami 2014-2017-imut  
ataatsimut tulaassat 21.298 tonsiusimasut.

Saarullit, qalerallit raajallu tunineqarneranni avammullu nalinginut apeqqummut  
tunngatillugu avataanit suleqatinit paasissutissanik ima annertutigisumik  
katersiviutugalutillu attaveqatigiiffigisariarput tamanna akineqarsinnaanani.

**Apeqqut 2:** Ukioq 2014 Naalakkersuisut Maniitsoq-mut tulaassuisarnissamik aalajangersaapput. Suna pissutaava Maniitsumut tulaassuisarnissamik aalajangernermit? aalisakkat suut aamma qanoq annertutigisut Maniitsoq-mut tulaanneqarnikuuppat ? Aningaasaqarniarnikkut qanoq annertutigisumik Maniitsormiunut iluaqusiippat?

**Apeqqummut 2-mut akissut:**

Maniitsumi Royal Greenlandip aalisakkerivianut qaleralinnik tamakkiisumik tulaassisussaatitaanermut apeqqutip tunnganissaa naatsorsuutigaa. Piffissap taassuma nalaani illit Naalakkersuisunut ilaasortaagavit ilisimasariaqaraluarpat aalajangiinermut suna tunngaviusimanersoq. 2014-imi biologit siunnersuinerat naapertorlugu Baffinip Kangerliumarngani (Avannaata Imaani) qaleralittassat 1.500 tonsinik qaffanneqarpoq. Naalakkersuisut tassunga atatillugu aalajangerpaat pisat taakku 1.500 tonsit tamakkiisumik tulaassassanngortinneqassasut nunami suliffissaqartitsiniarluni. Arlalinnik piunasaqaateqartunik qinnuteqartitsereemikkut Royal Greenland pisassiissutinik tunineqarpoq Maniitsumi tunitsivimmut tulaassassanngorlugit.

2017-imi Maniitsumi aalisakkat uku amerlassusaalu avataasiortunit tulaanneqarsimapput:

AALISAKKAT	AMERLASS. 2014 (TONS)	AMERLASS 2015 (TONS)	AMERLASS 2016 (TONS)	AMERLASS 2017 (TONS)	Ataatsimut
Qalerallit	1.598	1.213	1.828	1.325	5.964
Saarullit		217			217
Qeeqqat		5			5
<i>Katillugit</i>	<i>1.598</i>	<i>1.435</i>	<i>1.828</i>	<i>1.325</i>	<i>6.186</i>

Royal Greenland A/S 2016-imi nalunaaruteqarpoq qalerallit taakku 1.500 tonsit tunineqartut sulinermit akunnernik 42.000 tiiminik pilersitsisimasut, taakkulu ukioq naallugu inunnt suliffiit 23-it assigaa.

**Apeqqut 3:** Tunup imartaani aalisakkat assigiinngitsut arlallit raajallu aalisarneqartartut eqqarsaatigalugit tulaassisussaatitaaneq aallarteqqaarmalli maannakkumut qanoq annertutigisut tunisassiorfinnut aamma sumiittunut tulaanneqarpat?

**Apeqqummut 3-mut akissut:**

2014-imi Tunumi aqutsiveqarfimmit 415-imit saarullinnik tulaassisussaatitaaffiisimavoq, tassanilu Kitaata kujataa aamma ilaalluni. Ataani takuneqarsinnaapput ukiuni 2014-2017-imi tunisat agguarneri.

2014	2.619 TONS
2015	4.747 TONS
2016	2.840 TONS
2017	3.083 TONS
<i>Katillugit</i>	<i>13.289 TONS</i>

Saarulliit taakku Kujataani tunineqartarput, tassalu Qaqortumut aamma Nanortalimmut. Tunumi nunami tunitsivituaq Kuummiuniippoq, killilimilli tigusisinnaapput taamaattumillu sinerissap qanittuani tamaani aalisartunit taamaallaat tunitsiviusarluni.

**Apeqquut 4:** Naalackersuisut tunumut tulaassuisalernissamik pilersaaruteqarpat?

**Apeqqummut 4-mut akissut:**

Naalackersuisut naliliineraat maannakkorpiat Tunumi annertunerusumik tulaassisussaataanerup eqqunnissaanut nunami tunitsivinnik naammattumik pisariaqartinneqartut pigineqanngitsut.

**Apeqquut 5:** Aalisakkat raajallu Nunatsinni suliareqqaarneqaratik avammut tunineqartartut 2014-imiit maannakkumut qanoq annertutigippat?

**Apeqqummut 5-imut akissut:**

Naalackersuisut aalisakkat suliareqqaarneqanngitsut pillugit paasissutissaateqanngillat. Taamaattumik apeqquut tamakkiisumik akineqarsinnaanngilaq.

Inussiarnersumik inuulluaqqusillunga

  
Karl-Kristian Kruse

Aalisarnermut Piniarnermullu Naalackersuisoq